



Illustration: Karl-Heinz Melters

Omend ganz kocz getrete met dem Saufe. Äh wollt naachts en em Haus schloofe, wail et su kalt woor wie seit Johre net mieh. Do hat em en Saufkumpan gesoocht: „Waiß de wat de mache muß? De muß Limburijer Käs esse, wenn de fertisch bes met saufe, dann kann däin Frau üwwerhaupt nix mieh von dämm Schnaps reeje, wenn de haimkimms.“

Dä Iggele-Oggele on säin Häisje in de Vehgas oder E Hoschemer Original vor üwwer 100 Jahr.

Erzählt von Johann Seyl, off „Hoschemer Platt“
geschrieben von Heinrich Fischer.

Von dänne Hoschemer, die häit leewe, kann kainer dä Iggele-Oggele gekannt han, weil dä schonn om 1870/71 eromm en Mann en de beste Johre gewes es. Äh soll kain Kener gehatt han.

Ower et hat en geewe, dänn Iggele-Oggele. Warum die Hoschemer su üwwer dänn gesoht hann onn och wie dä rischtisch gehaiße hat, dat waiß häit kai Mensch mieh. Gewohnt hat dä Iggele-Oggele en de Vehgaß, wenn mo vonn onne kimmt of de linke Sait, onn zwar do, wo häit die Brühls die Mauer on dat Door hann.

Die Vorderfront wor domols vor üwwer 100 Jahr schonn einmalisch, wail die an de Strooß zwai Diere gehatt hat. Ein Dier wor die Hausdier, on die anner wor die zom Clo. Domols hann die Lait dodrüwer „Abee“ gesoocht. Dat wor nadürlisch en Plums-Clo, denn domols goof et en Hoschem jo noch net emo en Wasserleitung, die kom ierscht 1888. On die ierschte Abees mit Wasserspülung goof et ierscht e half Johrhonnert später.

Domols hat kai Mensch wat dobai gefonne, wenn morijens demm Iggele-Oggele säin Frau met dem Debbsche von der Naacht aus de Hausdier kom on en die Dier von demm Abee erenn gange es, wail mo dat Debbsche jo net good em Haus losse konnt.

Wat dä Iggele-Oggele dachs üwwer geschafft hat, dat es häit net mieh bekannt. Awer dä hat als Neewebeschäftijung of demm Kerchhof entweder emmer oder nur hin on widder – genau waiß mo dat häit net mieh – dat Loch gemach, wenn ainer gestorewe wor, onn och widder zogemacht noh de Beerdijung. Dofier es dä Iggele-Oggele ferstlich belohnt woore doomols; 6 Mark hat dä dofier grischt. Von dämm Geld hat säin Frau ower nie wat gesehn, wail dä Iggele-Oggele alles en Schnaps omgesetzt hat.

Wenn dä Iggele-Oggele noh ner Beerdijung naachts haimkoom, dann hat dämm säin Frau dämm dä Hausdierschlessel an er Koddel eronner geloof, denn et goof nur aine Schlessel von de Hausdier. Dat hat die Frau ower nur dann gemacht, wenn dä Iggele-Oggele net voll wor!!! Wenn ä dä Schlessel net grischt hat naachts, dat haist, wenn e widder mo voll wor, dann hat ä sich einfach of de Abee gesetzt, wail do die Dier jo net abgeschloß wor.

An em kalte Wenderomend wor dä Iggele-Oggele met annere Hoschemer widder am saufe, awer dä Iggele-Oggele hat an dämm

Dä Iggele-Oggele hat Limburijer Käs gefan an dämm Omend onn es haim. Die Frau hat naachts gesehn, wie e koom on widder gewackelt hat, onn duu hat se de Schlessel net eronner geloof. Se es ower de Trepp eronner gange on hat vonn enne an de Hausdier gerooft: „Has de schonn widder Schnaps gesoff?“

Dodroff ä: „Ennä, dat stemmt net, wenn de wells, dann kanns de jo mo reeje.“ Die Frau säht: „Good, hauch emo dorch dat Schlesselloch!“ Donooh hat se von enne geroch on säht: „Drääsch Dich emo eromm, dau Ferkel!“

Heinrich Fischer



Das Haus vom Iggele-Oggele in der Alten Heerstraße, 1. Haus links